

جریدهء محاکمک اون اوچنجی سنهسی بونسخه
ایله خنامه رسیده اولوب سنهء سابقه ابونه لرینگ
مدتی منقضیه اولدیغندن اون دردنچی سنهسی یعنی
اوچوز سکر سنهسی ایچون دخی ۶۴۱ نومرودن
اعتباراً کافی السابق نشرینه دوام اولته جنی بدیهی
ایدو کندن ابونه تجدیدینی آرزو ایدنلرک معلومی
اولمق و بدلی بروجہ پشین تأدیہ ایله اداره مزہ
اعطای معلومات قلمق اوزره اعلان کیفیتہ ابتدار
اولندی

بدایت محکمه سی اعضا سندن مارقار افندی به
تفویض بیورلمشدر .

معموره العزیز ولایتی مرکزنده بر استیناف
محکمه سی تشکیلی خصوصه بالاستیدان اراده
سنیه حضرت پادشاهی شرفعلق بیورلمشدر .

(فی ۲۳ رجب سنه ۳۰۹ وفی ۱۰ شباط)
(سنه ۳۰۷ تاریخده بالجمله ولایات استیناف)
(محکمه سی مدعی عمومیلرینه و مدعی عمومی)
(بولنمیان محالرمدعی عمومی معاونلرینه یازیلان)
(تحریرات عمومی صورتیدر)

جنبه وقباحتله مظنون اولوب اقامتگاهلری
معلوم اولمیان و مدعی شخصیه سی طرفندن دخی
تعیین واره اولمه بان اشخاص حقارنده معامله
غیا به اجراسنه دائر اصول محاکات جزاییه قانوننده
برکونه صراحت اولما سندن طولابی اکثر محاکمه
تعقیبات قانونیه اجرا اولنما مقده و بوا یسه مرور
زمانله حقوق عمومی نه كاضاعه سنی موجب اولمقده
اولدیغندن و اصول محاکات جزاییه ده احکام

صریح بولنمیان مسائل حقنده اصول محاکات
حقوقیه به مراجعت اولمسی قواعد عمومی به
اقتضاسندن بولندینندن و مواد حقوقیه به مرعی
اولان اعلان اصولك قباحت و جنبه به متعلق
مسائلده دخی تطبیق اولنورق حکم غیا بی اعطای
حالنده هم حقوق عمومی و شخصیه نك محافظه و همد
احکام قوانینك حسن وقایه ایدلمش اوله جغندن
بمثله بعض طرفندن استفسار معامله اولنمقندن ناشی
کیفیت انجمن عدلیه به لدی الحواله جنبه وقباحت
نوعندن بولان جرائمك یشکایت و اخباره و یاخود
ضابطه عدلیه طرفندن تنظیم اولنورق تقرر وضبط
ورقه لرینه مستند آتدقیقات و محاکاتنه شروع
اوله جنی جهتله كرك مخبر و مشتکیسی جانبندن
ویریلان ورقه لرده و كرك ضابطه عدلیه تقرر
وضبط نامه لرنده اقامتگاهلری مندرج اولمیان مظنون
علیهمك در حال مدعی عمومیلک مأموریتندن مخبر
و مشتکی به و سالف الذکر تقریری تنظیم ایتمش
اولان پولیس قومیسرینه اقامتگاهلری تعیین
ایتدیریلرله نك نقصانی اکل اولنمق ممکناتندن
و مظنون علیه میدانده اولدیغی و اقامتگاهیده تعیین
قلنمدیغی حالده بوسی اورا فک محکمه به تودیی
و مواد حقوقیه به مرعی اعلان اصولك اجراسی
ایله لاحق اوله جق حکم غیا بینك تنفدی قابل و بناء

علیه معامله غیا به اجراسندن بر فاعده حاصل
اوله میه جنی بدیه یاتندن بولنمش و علی الخصوص
جانب ضابطه دن تحریات و تعقیبات مقتضیه اجراسیله
بو مقوله اشخاصك الله ایدلدکن و یاخود
اقامتگاهلری تعیین ایتدکن صکره اورا فک محکمه به
سوقی مصلحه ده مناسب کورنمش اولدیغندن
و ایشك حکم قانونه تطبیق جهتنه کلنجبه جنبه
وقباحتله مظنون اولوب ده تعیین واره ایدلیه میان
و اقامتگاهلری مجهول بولان اشخاص حقارنده
معامله غیا به اجراسی حقنده اصول محاکات
جزاییه قانوننده بر صراحت موجود اولدیغی
و قانون مذکورك احکام عمومی سندن استنباط
اولدیغی اوزره غیا بآ محاکمه اجراسیله حکم و قرار
اعطای مظنون علیه مطلقا ذاته و یا اقامتگاهنه
تبلیغات قانونیه اجراسنه متوقف بولدیغی مثللو
مدار تطبیق عد ایدلمك استیناف اصول محاکات
حقوقیه قانون موقتنده بعض احوال مستثنا اولدیغی
حالده هر دعوانك مدعی علیه ك اقامتگاهلری
محکمه سنده رؤیت اوله جنی معین بولنمسنه
و دعوانك حتی و تبلیغات قانونیه ایفاسنك امکانی
ایچون مدعینك تقدیم ایده جکی دعوی عر ضالنده
مدعی علیه اسم و شهرتیه محل اقامتی تعیین
و ارانیه قانونا مجبور اولوب حتی شرائط قانونیه

جامع اولمیان عر ضالک عندا اعتراض ردی حکم
قانون ایجابندن بولنمسنه کوره دعاوی حقوقیه ده
اعلان اصولك جواز و اجراسنی موجب اولان
علت قانونیه مدعی علیه ك میدانده اولماسی
و یاخود اقامتگاهنك اساساً مجهول بولنمسی جهتی
اولیوب انجق قانون مذکورك یکرمی بشنجنی
و یکرمی التنجی و یوز قرق طقوزنجی ماده لرینك
مطالعه سندن اکلایشیله جنی و جهله مدعینك عر ضالنده
قانونا تعیین و بیانه مجبور اولدیغی خصمنك اقامتگاهنه
علی الاصول ورقه دعوتیه کوندر یلو ده مدعی
علیه ترك اقامت ایدلیکی و الیوم قننی محله بولندیغنك
مجهول ایدوکی تبلیغه مأمور ارلان مباشرت استحصا
ایده جکی علم و خبرده بیان اولنور و مدعی دخی
خصمنك شمیدیکی اقامتگاهنی تعیینه مقتدر اوله من
ایسه او حالده اعلان اصولك اجراسیله دعاوی
واقعك غیا بآ رؤیت و فصلی اقتضا ایده جکنه نظراً
جنبه وقباحتله مظنون و اقامتگاهلری غیر معلوم اولان
اشخاص حقارنده اصول محاکمه حقوقیه قانون
موقتی احکامنه توفیقاً اعلان اصولك اتخاذیه حکم
غیا بی اعطای غیر جائز بولندیغندن مخبر و مشتکی
جانبندن و یاخود ضابطه طرفندن تنظیم و اعطا
قلان اورا فده مظنون علیه ك و یا شاهدلرک
اقامتگاهلری کوسترلماش ایسه در حال مدعی

عموميك مقامندن تقصاني اكمال ايتديرلك وضبط ورقه سي تنظيم اولميان مظنونين حقلرنده دخي ضابطه جه تحريات لازمه ايفا ايدلك لازم كلوب بو باده اعلان اصولك اتخاذ واجراسيله حكم غيبي اعطاسي حكم قانونه كلياً مغاير اوله جني بامذكره بيان اولنمش وبوصورت موافق قانون ومصلحت اوله رق محاكم جزائيه رؤسايه تبليغ كيفيت اولنمق اوزره اشبوت تحريكات نسخ مطبوعه كافيه سي دخي افماً ارسال قلنمش اولمغه دائره مأموريتكزده بولنان بالمله محاكمجه بعد از اين صور مشروحه دائره سنده ايفاي معامله اولنمسي.

قسم غير رسمي

حلب ولايتي استيناف محكمه سي جزاداره سنك ۱۷ شوال سنه ۳۰۷ و ۲۴ ميس سنه ۳۰۶ تاريخ

واوتوز طقوز نومرو لي اعلاميله اوراق متفرعه سي باش مدعي عموميك مأموريت عليه سندن ه صفر سنه ۳۰۹ و ۲۸ اغستوس سنه ۳۰۷ تاريخ وايكي بيك قرق نومرو لي تبليغنامه ايله محكمه تميز جزا دائره سنه كوندرله يكدن مطالعه اولندي.

مذكور اعلام مآلي انظاكيه قصبه لي بلبل حاجي محمد اوغلي اسكندر ك قتلندن طولاني متم قصبه مذكوره لي تقوع اوغلي حسنك اون بش سنه كوركه قونلمسني ومحمدك برائته بعدالنقض اجرا قلنان محاكمده حكم اولنديغني حاوي اولوب تبليغنامه ده دخي شو محاكمه اخيره ضبطنامه سنك بعض قسملي امضا ايله تحت تأمينه النامش اولمسي امر اعتباردن سقوطني ومعاملات متعاقبه نك اقتاضي موجب اولوب مع مافيه مرقوم حسن اوليكي محاكمده برائت فزانديغي حالده اخيراً جنائيله تحت حكمه النمش وبو حكم دخي پنه اولكي شهودك افادانه مبتني بولنمش اولمغه تحقيقات سابقه ولاحقه نتايجي يكديكريله تطبيق اوله رق وسائر هر درلو تدقيقات اجرا قلنهرق كنه ماده سنك تماميله ظاهره اخراجي و حكمك اكا كوره اعطاسي مقتضي ايكن نقصان براقلمش اولديغندن بجنله مذكور اعلامك نقضي طلب

اولنمشدر .

اوراق سائر دخي قرائتله تدقيقات تميز به اجرا اولندوقده تبليغنامه ده بيان اولنان اعتراضات تقض حكمي مستلزم احوالدين كورلديكندن اصول محاكمات جزائيه قانونك اوچيوز اون دردنجي ماده سي موجبجه اعلام اخير مذكورك دخي نقضنه وايكيوز غروش اعلام خرجك تحصيليله محكمه تميزه ارسالي لزومه ۱۱ كانون اول سنه ۳۰۷ تاريخنده قرار ويرلدي .

في ۲۷ جاذي الاخر سنه ۳۰۹

وفي ۱۶ كانون ثاني سنه ۳۰۷

مرسين بدايت محكمه سندن ويريلوب متفرعاتيله باش مدعي عموميك مأموريت عليه سندن ۲۲ ربيع الاول سنه ۳۰۹ و ۱۴ تشرين اول سنه ۳۰۷ تاريخ و ۲۸۴۳ نومرو لي تبليغنامه ايله محكمه تميز

جزاداره سنه كوندريلان ۱۹ تشرين ثاني سنه ۳۰۶ تاريخ و ۵۳ نومرو لي اعلام قرائت اولندي.

مفاد اعلام ليلاً ومساحاً حسين كهيا نك باركي لري سرقت ايدلمسندن طولاني اتهام اولنانلردن محرمك قانون جزانك ايكيوز يكرمي برنجي ماده سنه تطبيقاً اوچ سنه مدته كوركه قونلمسني و آرتينك مجازاتنك متهم اولديني ديكر برجرمك محاكمه سي نتيجه سنه تعليقه قرار ويرلديكني ميندر .

تبليغنامه ده استيجواب ورقه سني امضادن رئيس محكمه نك امتناعي مغاير قانون اولديني ومدافعاتك هر برينك رد ويا قبولنه دائر اعطاي رأي ايدلمسي لازمه دن ايكن ردي اسبابي مصرح اولديني و آرتينك تاخير مجازاتي ايجاب ايدن خصوصك نه ايدوكي ومجرميت قرارينه مخالف اولان حاكمك كيم واسباب مخالفتك نهدن عبارت اولديني غير مصرح وتعين مجازات قرارنامه سنده دخي امضا نقصان ايدوكي مطالعاتي مندرجدر .

اوراق دعوي دخي قرائتله تدقيقات تميز به لذي الاجرا كره استيجواب ضبط ورقه سنك

رئيس محكمه طرفندن دخى امضا و تصديق ايدلسى
معاملات جاريه نك صحت و مضبوطيتتجه مستلزم
محسان ايسهده اصول محاكات جزائيه قانونك
ايكيوز اللى برنجى مادهسى محتوياتنه نظراً عدم
امضا كيفيتى موجب نفى كور يله ميوب فقط
مأموريت مشاراليهانك مطالعات سائرهمى نظر
قانونده بجا كورلمكله اوچوزاون دردنجى مادهسنة
تطبيقاً اعلام مذكورك نقضنه و ايكيوز غروش
اعلام خرجنك بالاستيفاء محكمه تميزه لزوم
ارسالنه ۲ كانون ثانى سنه ۳۰۷ تاريخنده قرار
ويرلدى .

فى ۲۹ جمادى الاخر سنه ۳۰۹
وفى ۱۸ كانون ثانى سنه ۳۰۷

قره حصار سنجاني بدايت محكمهسى جزا
دائرة سنك ۱۶ جمادى الاخر سنه ۳۰۹ و ۱۵
كانون ثانى سنه ۳۰۷ تاريخ و قرق بر نومرولى

اعلاميله اوراق متفرعهسى باش مدعى عمومليك
مأموريت عليه سندن ۱۰ صفر سنه ۳۰۹ و ۲
ايلول سنه ۳۰۷ تاريخ و ايكي بيك يوز سكران
نومرولى تبليغنامه ايله محكمه تميز جزا دائرة سنه
كوندرلديكندن مطالعه اولندى .

مذكور اعلام مالى قره حصاره تابع چوبانلر
قريله اسماعيل كريمهسى الوداع خاتونك وقوع
بولان قتلندن طولاي جنايته اتهام اولنان زوجى
قرية مرقومهلى طوطه اوغلى اون درت ياشنده
ونجبر عبداللهك قتل مذكوره من غير تعمد
اجتسارى عندالحاكمه ثابت اولديغندن مجرميته
وقانون جزانك قرقجى و يوزيتمش دردنجى مادهلرينه
تطبيقاً بلاتشهير اوچ سنه طقوز ماه مدتله حبس
اولنمنه حكم اولنديغنى حاوى اولوب تبليغنامهده
دخى هيئت حاكمه دن اقليت رايده بولنان ذاتك
محاكمه ضبطنامهسى زيرنده محرر شرحنده كوستر
لديكي اوزره قتل مذكورك خطاء و قوعى احتمالى
قوى اولوب بويله احتمالدن وارسته اولهميان
احوالده حكم قانونك متهمك لهنه تفسيرى قاعده
كليهدن بولنمنه و بوجهت برطرف ايدلسه دخى
صورت وقعه يه نظراً متهم مرقومك جزا قانوننامه
همايوننسك يوزيتمش دردنجى مادهسى حكمنندن

مستفيد اولوب اولهميه جنى جهتهده اماله نظر
اولنامش اولمنه مبنى ذكر اولنان اعلامك نقضى
طلب اولنمشدر .

سائر اوراق دعوى دخى قرائتله تدقيقات
تميزيه اجرا اولندقدن مأموريت مشار اليهانك
سالف الذكر تبليغنامه سنده درميان اولنان
اعتراضات بجا و نقض حكمى موجب اسباب قانونيه دن
كورلمكله بر موجب طلب اصول محاكات جزائيه
قانونك اوچيوز اون دردنجى مادهسنة توفيقاً
اعلام مزبورك نقضنه و اعلام خرجى اولان ايكي
يوز غروشك بالتحصيل محكمه تميزه ارسالى
لزومنه ۱۷ كانون اول سنه ۳۰۷ تاريخنده قرار
ويرلدى .

فى ۲۹ جمادى الاخر سنه ۳۰۹
وفى ۱۸ كانون ثانى سنه ۳۰۷

ارضروم ولايتى استيناف محكمهسى جزا
دائرة سنك ۱۶ ذى الحجه سنه ۳۰۸ و ۱۰ تموز
سنه ۳۰۷ تاريخ و اون التى نومرولى اعلاميله
اوراق متفرعهسى باش مدعى عمومليك مأموريت
عليه سندن غره ربيع الاخر سنه ۳۰۹ و ۲۲
تشرين اول سنه ۳۰۷ تاريخ و ۳۰۲۱ نومرولى
تبليغنامه ايله محكمه تميز جزا دائرة سنه و يرلديكندن
مطالعه اولندى .

مذكور اعلامك مالى اووه قضاسنه تابع
اخورجق قريهسى اهالي سندن حليم بن علينك وقوع
بولان قتلندن طولاي جنايته اتهام اولنان قرية
مذكوره اهالي سندن على اوغلى رجبك اجرا
قتلان محاكمه عليه سنده قتل مذكوره اثنای
منازعهده من غير تعمد جرائى ثابت اولديغندن
قانون جزانك يوزيتمش دردنجى مادهسنة توفيقاً
بعدالتشهير اون بش سنه مدتله كوركه قونلمسنه
حكم اولنديغنى حاويدر .

تبليغنامهده دخى متهمك مديره كندوسى
اخبار كيفيت ايتديكنى عندالحاكمه سويلمش ايكن
بوجهت تدقيق اولنامش و محل قتل كشف و معاينه
ايدلامش و متهمك ياننده بولنديغنى بيان اولنان

محیدایله لایحه تمیزیه ده کوسترلیدی اوزره متهمک
اثنای محاکمه ده سویلیدی ایدین اوغلی ابراهیم
وساژه محکمه جه اصولاً استماع قلمامش اولسیله
اعلام مذکورک نقضی طلب اولمشدر .

سائر اوراق دعوی دخی قرائتله تدقیقات
تمیزیه به ابتدار اولندقدده ذکر اولنان تبلیغنامه ده
محرر اعتراضات وارد و بجا و قانوناً نقضی موجب
اسبابدن اولدینی کی مدافعه وکیلک واقع اولان
مدافعه سنک رد و یا قبولی حقنده اسباب موجب
بیان اولنمیوب سطحی کچشدیرلمش اولسی دخی
اسباب مذکوره به انضمام ایلدیکندن اصول محاکمات
جزائیه قانوننک اوچیز اون دردنجی ماده سی
موجبجه اعلام مذکورک نقضه و اعلام خرجی
اولان ایکوز غروشک بالاخذ محکمه تمیزه
ارسالی لزومنه ۲۶ تشرین ثانی سنه ۳۰۷ تاریخده
قرار ویرلدی .

فی ۲۹ جمادی الاخر سنه ۳۰۹

وفی ۱۸ کانون ثانی سنه ۳۰۷

کوتاهیه بدایت محکمه سندن ویریلوب
متفرعاتیله باش مدعی عمومیک مأموریت علیه سندن
۱۲ ربیع الاخر سنه ۳۰۹ و ۲۰ تشرین ثانی سنه ۳۰۷
تاریخ و اوچ بیک یوزطقسان بر نومرولی تبلیغنامه
ایله محکمه تمیز جزا دائره سنه کوندریلان ۱۷
تشرین اول سنه ۳۰۶ تاریخ و طقوز نومرولی
اعلام قرائت اولندی .

مقاد اعلام کل ولی اوغلی ایوازک قتلندن
طولای اتهام اولنانلردن چومز اوغلی اسماعیلک
قاتل غیر متعمد صفتیله اون بش وحاجی ابراهیم
اوغلی موسانک معین عدیله اوچ سنه مدتلرله
کورکه قونلملری و عایشه نک برائی قرارینی
متضمندر .

تبلیغنامه ده متهملرک وقعه کونی مقتله
بولندقلرینه دائر اولان مدافعه ایله شهود علیه نه کی
طعن حقنده برشی دینلماش و سائر مدافعانک
دخی ردی اسبابی کوسترلماش اولدینی مطالعاتی
محرردر .

اوراق دعوی دخی قرائتله کورک حکمندن
طولای تدقیقات تمیزیه لدی الاجرا اوچنجی قسم
محاکمه ده شکل محاکمه جه تبدل و قوعندن ناشی

ضبط سابقک قرائت ایدلیدی صورت اشعاردن
منقهم اولبور ایسه ده بوندن مقصد قانونی حاکمه
دعوائی تماماً استماع ایتدیرمک اولسنه کوره یالکز
ضبط سابقک قرائتی ایکنجی قسم محاکمه نک صورت
جر یانته کسب اطلاع ایدلسنه خادم اوله بیلوب
دعوانک اساساً و اطرافیه بیلنمی ایسه ضوابط
سابقه نک کافه قرائته محتاج اولغله ومع مافیه
مأموریت مشارالیهانک مطالعات سابقه سیده قانونه
و حق مدافعه به متعلق و بجا کورملکله اصول محاکمات
جزائیه قانوننک اوچیز اون دردنجی ماده سنه
تطبیقاً اعلام مذکورک بوجهتک نقضه و ایکوز
غروش اعلام خرجنک بالاستیفا محکمه تمیزه
لزوم ارسالنه ۹ کانون ثانی سنه ۳۰۷ تاریخده
قرار ویرلدی .

فی ۲ رجب سنه ۳۰۹

وفی ۲۰ کانون ثانی سنه ۳۰۷

مذکور اعلام مالی محمدک قتلندن طولای
جنایتله اتهام اولنان کوزه جی امین بن مصطفانک
قانون جزانک یوز یتش دردنجی ماده سنه تطبیقاً
اون بش سنه کورکه قونلمسنه حکم اولدینی حاوی
اولوب تبلیغنامه ده دخی متهمک قاتلیته دائر
محکمه نک تقدیر وجدانیسی تعرضدن مصون ایسه ده
اخبارات واقعه قاتل و مقتول بیننده مجادله و مجارحه
وقوعی متضمن اولسنه نظراً جرحک ابتدا
قنغیسی طرفندن ایشاع اولدینک تدقیقی قانوناً
و عدالة لابد ایکن نقصان براقلمش اولدیغه
و چونکه فعل جرحه ابتدا مقتولک اجتناساری
حالنده متهم مرقومک حرکتده مقابله رنکی
ظاهر اوله جفغه مبنی اعلام مذکورک نقضی طلب
اولمشدر .

شهر زور سنجانی بدایت محکمه سی جزا

اوراق سائرہ دخی قرائتہ تدقیقات تمیزیہ
لدی الاجرا تبلیغنامہ بیان اولنسان اعتراضات
بجاء اولدقن ماعداء مجرمیت وجهت جزائیہ
قرارلری اوچیوز التنجی مادهده محرر تعریف
قانونی وجهله هیئت حاکمه طرفندن امضایدلماش
اولدیغندن اصول محاکمات جزائیہ قاننک اوچیوز
اون دردنجی مادهسی موجبجه مذکور اعلامک
نقضنه وایکوز غروش اعلام خرجنک تحصیلله
محکمه تمیزه لزوم ارسالنه ۲۵ تشرین ثانی سنه ۳۰۷
تاریخنده قرار ویرلدی .

فی ۱۸ رجب سنه ۳۰۹
وفی ۵ شباط سنه ۳۰۷

موصول بدایت محکمه سندن ویریلوب
متفرعاتیله باش مدعی عمومیک مأموریت علیه سندن
۳ کانون اول سنه ۳۰۷ تاریخ و اوچ بیک یدیوز
التمش بر نومرولی تبلیغنامہ ایله محکمه تمیز جزا

دائرہ سنه کوندریلان ۱۴ شباط سنه ۳۰۶ تاریخ
ویوز اوتوز درت نومرولی اعلام قرائت
اولندی .

مفاد اعلام شهاده نک مضروباً قتلندن
طولانی جمعه نک قانون جزانک یوز یتش یدنجی
مادهسی ذیلنه تطبیقاً بش سنه مدته کورکه قونلمسی
قرارینی محتوی اولوب تبلیغنامہ ده دخی مدافعه
وکیلنک صفت قانونیه سی کوسترلماش و مضروبک
اثرضر بدن وفات ایدوب ایتدیکی معاینه راپورتیله
اکلاشیله جق بر کیفیت ایکن معاینه راپورتی
بولدیر یله رق قرائت اولنماش اولدینی مطالعاتی
محرردر .

اوراق دعوی دخی قرائتہ تدقیقات تمیزیہ
لدی الاجرا ایکنجی و اوچنجی و بشنجی والتنجی
قسم محاکمه لوده ترجمانک حاضر بولندیر یله رق
جریان ایدن احوالک متهمه تفهیم ایدلدیکنه دائر
صراحت اولدینی کی دردنجی قسم محاکمه ده شکل
محکمه جه تغیر وقوعندن ناشی ضبط سابق قرائت
ایتدیرلمش ایسه ده بوصورت حاکمک محکمه مأذون
اولمی ایچون دعوائی بالاطراف استماع ایتسی
لزومی حقنده کی قاعده کلیه قانونیه یی کمالیه تأمین

ایده میوب یا معاملات جاریه نک کافه تجددیدی
و بوصورت قابل دکل ایسه ضوابط سابقه نک
جملة قرائتیه دعوانک بو وجهله تکریری لازمه دن
اولدیغنه ومع مافیه تبلیغنامہ مندرجاتی ده شایان
دقت کورلدیکنه مبنی اصول محاکمات جزائیہ
قانوننک اوچیوز اون دردنجی ماده سنه تطبیقاً
اعلام مذکورک نقضنه وایکوز غروش اعلام
خرجنک بالاستیفا محکمه تمیزه لزوم ارسالنه
۲۰ کانون ثانی سنه ۳۰۷ تاریخنده قرار
ویرلدی .

فی ۱۹ رجب سنه ۳۰۹
وفی ۶ شباط سنه ۳۰۷

سوری حصار قضایی اهاالیسندن اوخانس
و آرتینک اشیا سنک غاصبی و آرتینک قاتلی اولوق
اوزره اتهام اولنسان احمد و مصطفی و محمدک
اعداملرینه دائر انقره ولایتی استیناف محکمه سندن

صادر اولان قرق طقوز نومرولی اعلام واوراق
متفرعه سی مرافعه شرعیه اجراسی ضمننده محله
اعاده اولنمی اوزرینه ورثه مقتولک حق شخصی
دعواسندن استسکاف ایلدک لرینه و مرقوموندن
محمد و مصطفانک وفات ایلدک لرینه دائر محکمه
مذکورده دن ویریلان ۱۱ ذی القعدة سنه ۳۰۸
تاریخی مذکره ایله اوراق مذکورہ تدقیقات
تمیزیہ اجرا اولنمق اوزره باش مدعی عمومیک
مأموریت علیه سندن ۲۸ جمادی الاول سنه ۳۰۹
و ۱۸ کانون اول سنه ۳۰۷ تاریخ و ۳۸۵۴
نومرولی تبلیغنامہ ایله محکمه تمیز جزا دائرہ سنه
کوندرلمشدر .

ذکر اولنسان تبلیغنامہ مالی مذکور حکم
اعلامی ایله اولب سابعه طوتلمش اولان محاکمه
ضبطنامہ سنه نظراً مرقوملره وکیل تعیین قلنسان
ماماس افندی احمد و مصطفی ایچون مدافعه یه محل
اولدیغنی سویلمش و بوايسه مخالف وظیفه بولنمش
اولدینی جهتله کندوسنه اخطار وظیفه وایجابنده
وکالتدن عزل ایدلک لازم ایکن محکمه جه بوندن
ذهول اولنمش اولدینی کی مجرمیت قرارنده
دخی نوع وماهیت جرم ایله مرقوملرک درجه فعل
و تعدیلری و مقتولک قنغیسی طرفندن قتل اولدیغنی

و کشف و معاینه سنک نهدن عبارت ایدوکی
کوسترلماش اولدیغندن ومع مافیه حکم واقع
اساساً محمدک اقرارینه بنا ایدلش ایسه ده محمدک
استنطاقنامه لرده مضبوط اقرار و افاده سنده فعل
قتلک صورت وقوعه دائر صراحت اولیوب
مقتولک یانته ابتدا مرقومان احمد و مصطفانک
کیدوب مؤخرأ بارکیله برابر عودت ایدلکری
سویلمش و بکپازاری قضاسی مستنطقی طرفندن
طوتیلان استنطاقنامه به نظر امصطفی ایله مو جهه -
سنده دخی فعل قتلک یالکر مصطفادن صدوزینی
واحدک فعل قتلده مدخل واشتراکی اولدیغنی
بیان ایتش اولسنه و سالف الیان مقتولک کشفأ
صورت مقتولیتی مجهول بولنسنه باقیلنجه متهم
موجود احمدک اصولاً ثابت اولان حرکتی یالکر
ماده غصبده اشتراک درجه سنده قالمش ایکن
بالفعل قاتل اولمق اوزره اشتراکنه و بناءً علیه
اعدامنه حکم اولنمقده اصابت کور یله مدیکندن
اعلامک تقضی طلبندن عبارتدر .

اوراق سائر دخی قرائله تدقیقات تمیزیه
اجرا اولندقدده ذکر اولنان تبلیغنامه درمیان
اولنان اعتراضات وارد و بجا کورندیکنه و بنابرین
محرمیت قرارنده (جنایتله اتهاملری تحت تصدیقه

الندی) تعیرینک استعمالی اصول محاکات جزائییه
قانوننک ایکوز طقسا ننجی ماده سنه مخالف بولندیغه
مبنی قانون مذکورک اوچوز اون دردننجی ماده سنه
توفیقاً اعلام مذکورک نقضه و اصلاح حکم ایدلک
اوزره اوراق دعوانک محکمه مذکوریه اعاده سنه
و ایکوز غروش اعلام خرجنک بالاستیفا محکمه
تمیزه لزوم ارساله ۲۷ کانون ثانی سنه ۳۰۷
تاریخنده قرار ویرلدی .

فی ۲۱ رجب سنه ۳۰۹

وفی ۸ شباط سنه ۳۰۷

(بیک اوچوز طقوز سنه سی جمادی الاخره سنک)
(یکریمی برنجی کوننه مصادف اولان بیک)
(اوچوز یدی سنه سی کانون نانیسنک طقوزنجی)
(پنجشنبه کونی اصول محاکات جزائییه قانوننک)
(ایکوز قرق سکرنجی و ایکوز قرق طقوزنجی)
(ماده لرنده مندرج معاملاتک اجراسنه بالابتدار)

(هیئت اتهامیه دن بالنظیم اعطا قلنان ۲۴ کانون اول)
(سنه ۳۰۷ تاریخی و ۵۰۰ نومرولی مضبطه)
(موجبنجه اتهام اولنه رق لاجل المحاکمه محکمه)
(جنایتیه کوندریلان کر یاقو ولد واسیلک اجرا)
(قلنان محاکمه علیه سی ضبطنامه سی صورتیدر)

بیک اوچوز طقوز سنه سی جمادی الاخره سنک
یکرمی برنجی کوننه مصادف اولان بیک اوچوز
یدی سنه سی کانون نانیسنک طقوزنجی پنجشنبه
کونی اصول محاکات جزائییه قانوننک ایکوز قرق
سکرنجی و ایکوز قرق طقوزنجی ماده لرنده مندرج
معاملاتک اجراسنه بالابتدار هیئت اتهامیه دن بالنظیم
اعطا قلنان ۲۴ کانون اول سنه ۳۰۷ تاریخی

و ۵۰۰ نومرولی مضبطه موجبنجه اتهام اولنه رق
لاجل المحاکمه محکمه جنایتیه کوندریلان کر یاقو
ولد واسیل برای استجواب توقیفخانه دن جلب ایله
استجواب اولندقدده اون طقوز یاشنده قیصریه لی
اولوب چارشوی کیرده قومیسسیونجی محمد عبده
افندینک یاننده خدمتکارلق ایتکده ایکن بوندن
ایکی آی مقدم تحت توقیفه الزهرق الیسوم موقوف
ایدوکنی و کندوسنه تبلیغ قلنان مضبطه اتهامیه
واتهامنامه صورتلرنده محرراولدیغنی وجهله سرقت

ماده سندن طولای تحت توقیفه الندیغنی و مدافعه سی
ایچون انتخاب ایده جک و کیلی اولدیغنی سویلمکله
محکمه نزدنده بولنان دعوی و کیلرندن مهران
افندی جانب محکمه دن کندوسنه و کیل تعین
و قانون مزبورک ادعای مفسوخیت حقنده اولان
ایکیوز الی برنجی ماده سی مندرجاتی اخطار
قلندیغنی مین اشبو ضبطنامه بالنظیم مرقومک
مواجهه سننده قرائت اولندقدن صکره امضا
ایتدیرلدی .

ادعای مفسوخیت ایچون معین اولان مدت
قانونیه منقضیه اولمغله مرقومک اجرای محاکمه سی
بیک اوچوز یدی سنه سی کانون نانیسنک یکرمی
سکرنجی صالی کوننه قرارلشدیرلدی .

یوم مذکورده متهم مرقوم کر یاقو قانون
مذکورک ایکوز التمش اوچنجی ماده سنه توفیقاً
توقیفخادن جلب ایله و کیلی مومی ایله مهران
افندی یاننده اولدیغنی ومدعی شخصی حلیم افندی
ایله مدعی عمومی معاونی مدوح بک دخی حاضر
و موجود بولندیغنی حالدده اجرای محاکمه علیه به
بالابتدار مرقوم کر یاقو استجواب اولندقدده اون
طقوز یاشنده قیصریه لی اولوب چارشوی کیرده
کبه جی خاننده اقامت ایدل یکنی سویلمکله کندوسنه

و وکیل مومی الیه مهران افندی به قانون مذکور
ایکیوز التمش دردنجی وایکیوز التمش بشنجی
آمده لری مندرجاتی بعد الاخطار اتهام مضبطه سیله
اتهامنامه ضبط کاتبی احمد بکه قرائت ایتدیرلدی .

مضبطة مذکوره نك مالی متهم مرقوم کریاقو
عبدالحلیم افندی نك اوطه سی قپوسنی انختار ایله
آچهرق اچقه سنی سرقت ایلدیکنی طایماً اقرار
واعتراف ایلمش وحرکتی قانون جزانک ایکیوز
یکرمنجی ماده سی حکمنی مستلزم افعال جنائیه رن
بولنمش اولدیغندن جنایتله اتهامه قرار ویرلدیکنی
واتهامنامه نك مزایایسی دخی ذکر اولنان مضبطه
مندرجاتی وجهله مرقومک متهم بولندیغنی
بیانندن عبارتدر .

قانون مزبورک ایکیوز التمش التنجی ماده سنه
توفیقاً اتهامنامه نك مالی مرقومه تفهیم و معاون
مومی الیه طرفندن اسباب اتهامی تفصیل و تشریح
اولدقدن صکره مرقوم سولتدیرلده کندیسنک
هیچ برشیدن خبری اولدیغنی بالبان کلیاً انکار
تهمت ایلمسیله کرک پولیسجه وکرک دائره
استنطاقجه مضبوط افادانده خدمت ایتدیکی
عبده افندی درت لیرا ایتمک اوزره کندوسنی

عبدالحلیم افندی به کوندروب کتدیکنده مومی الیهک
اچقه چیقاردیغنده کلینلی پاره سی اولدیغنی کوردیکی
کبی مؤخرأ مومی الیهک اوطه سنده بولنمیه جنی
برزمانی قوللایوب اوطه قپوسنی مفتاحله آچهرق
طولاب دروننده بولنان چکمهجه ایچنده کی نقد
موجودی ایله بیله زیککی سرقت ایلمش اولدیغنی
واشبو بیله زیککی ایکی لیرایه صاندیغنی سولیمش
ایدوکنندن بوکا نه دیه چکی سؤال واستنطاقنامه نك
زیرنده موضوع امضاسی دخی ارئه اولندقدن
خدمت ایتدیکی عبده افندی کندیسنی حلیم افندی به
اچقه المی اوزره کوندروب کتدیکنده مومی الیهک
اوطه سنه کیرمدیکی جهته اچقه نك نرده بولندیغنی
بیلمدیکی کی کندوسی عثمانلیجه بیلمدیکنندن دائره
استنطاقجه مضبوط افاده سنی اوقومقسزین امضا
ایلمش اولدیغنی وطولدیغنی زمان کندوسنندن
الن اچقه کندوسنک ایدوکنی دائره استنطاقده
سولیمش بولندیغنی اتیان ایلمسیله بو اچقه یی
نردن قزاندیغنی و بویه نك مقداری نه ایدوکی
مرقوم کریاقودن صورلدقدن قارشوده قونسلید
خانی یاننده مغاره سی بولنان صراف واسیلدن
الدینی ۱۲۷۷ نومرولی هامبورغ بیلتنک بودفمه
چکیلان قرعه سنده مقدار بی بیلمیوب کندوسنه
اصابت ایدن اچقه یه مقابل مرقوم واسیلک

ویردیکی یوزاوتوزلیرانک اوزرینه نقد موجودی
بولنان سکر لیرایده علاوه ایله یوزاوتوز سکر
لیراسی اولدیغنی تذکار ایلدی مدعی شخصی
عبدالحلیم افندی استجواب اولندقدن اوطه سنده
طولاب دروننده بولنان اچقه ایله امانت بیله زیکک
سارقی مرقوم کریاقو اولدیغندن حین در دستنده
اوزرنده ظهور ایدن اچقه نك کندوسنه اعاده سنی
طلب ایتمکله ولدی السؤال مذکور اچقه نك
اساسی یوزسکسان درت لیرا اولوب بونک اون
اوجی انکلز لیراسی ایدوکنی و عقیب وقعه ده
پولیس کلوب قپویی معاینه ایلدیکنده قپو اوزرنده کی
اصمه کلیدک مفتاحله آچلمش ایدوکی اکلشلدیغنی
بیان ایلدی مذکور هامبورغ نوقت چکلدیکی
و کندوسنک در دستنده اوزرنده ظهور ایدن
اچقه میاننده عبدالحلیم افندی نك افاده سی وجهله
انکلز لیراسیده موجود اولدیغنی و کندیسنه قاچ
مارق اصابت ایلدیکی و بر مارق نه قدر ایدوکی
سؤالنه جواباً قرعه یکرمی بر کونده بردفمه
چکیلهرک مذکور انکلز لیرالینک دخی صرافدن
الدینی اچقه میاننده اولدیغنی و کندیسنه اصابت
ایدن قاچ مارق اولدیغنی و بر مارق قاچ غروش
ایدوکنی بیلمدیکی اتیان ایلمسیله کندیسی اچقه
میاننده بولنان ساعت کوسنکنک کندیسنک

ایدوکنی و بیله زیکده ایکی لیرایه صائمش اولدیغنی
کذلک اقرار ایلمش اولغله بوکا نه دیه چکی دخی
صورلدقدن او یله بیله زیک صاندیغنی و سارق دخی
اولدیغنی بیان ایله انکار سابقنده اصرار ایلدی
سائر تحقیقاته لزوم اولوب اولدیغنه دائر معاون
مومی الیه دن مطالعه سی صورلدقدن مرقوم اولو
اقرار تهمت ایلمش اولوب شمیدیکی افاده سی نم
تدارک ایدوکنندن تحقیقاته لزوم اولدیغنی مطالعه
بیان ایلمسیله ایجابی لدی التذکر معاون مومی الیهک
مطالعه سی موافق مصلحت اولوب تحقیقاتک بوندن
عبارت ایدوکی بیان اولندقدن معاون مومی الیه
مدوح بک متهم مرقوم کریاقونک مابه الاتهامی
اولان فعلک فاعلی اولدیغنی مضبوط اقرار یله تحقق
ایلدیکنندن مجرمیته و وکیل مومی الیه مهران
افندی دخی موکلک موجب اتهامی اولان حال
اقرارندن عبارت ایسه ده مرقوم حضور محکمه ده
انکار جرم ایتمکده اولدیغنی کی اصل معتبر اولانده
محکمه حضورنده کی افاده ایدوکنی و کویا موکلکی
قپویی مفتاحله آچدیغنی سولیمش ایدوکی
استنطاقنامه ده محرر ایسه ده مستنطق افندی بو
انختار حقنده تدقیقات قانونیه اجرا ایتماش
اولدیغنی کی قپونک مفتاحله آچیلوب آچیلمدیغنی
دخی معاینه ایدلماش و راپورت دخی تنظیم

اولنامش اولوب بناءً عليه تحقيقات نقصان
بولديغى وشو حاله نظراً موكلتك فعلى ثبوت
بولسه بيله عادى سارق اوله جفندن اولوجهله
معامله ايدلمسنى طلب ايتميريله ولدى السؤال طرفينك
بشقه برديه جكلى اولمدينى اكلاشلمغله محاكمه نك
ختم بولدينى بيان اوله رق مذاكره او طه سته
كلدى .

مابعدى وار

جاده سنده واقع تخميناً يديوز طقسان آرشوندن
عبارت دروننده بيك چكى بى متجاوز طاشى حاوى
قرق ايكي نومرولى بر باب عرصه نك تمامى بوندن
اقدام مزايده قونيله رق ليراي عثمانى يوز غروشدن
اولق اوزره قرق اوچ بيك غرو شده طالبي
عهده سنده تقرر ايلمش اولديغندن بوندن زياده يه
يعنى يوزده بش ضميمه طالب اولانلرك ودها
زياده معلومات المقتضى استيانلرك تاريخ اعلاندن
اعتباراً اونوز بر كون طرفنده دائره اجرايه
مراجعتله بى سورملرى لازم كله جكي ومدت
مذكوره نك انقضاسنى متعاقب قرار قطعى
كشيد قله جفندن اندنصره ضم قبول اولميه جنى
در سعادت اعلامات نظاميه اجرا دائره سندن
اعلان اولتور .

في ۸ شباط سنه ۳۰۷

اعلان

ماليه خزينه جليله سنك با اعلام شهيندر
عزتلو حاجى خليل افندى ذمتده الاجننى بولنان
معلوم المقدار مبالغك تأمين استيفاسيچون تحت
حجزه النهرق فروختى قرارلشديريلان نووعثمانيه

مطبعة عامرودة طبع اولمشدر

